

仿
潛
齋
詩
鈔

仿潛齋詩鈔卷八

寸草集

光州 李嘉樂 憲之

赴都口占

拜別慈親淚暗揮難憑寸草報春暉貧官計拙仍游子
處士名高屬少微心慟靈椿貽我悔手栽新竹待人歸
征車三度來京洛還恐緇塵染素衣

許州

百雉城高落日沈征車又向許州臨遷都幾破奸雄膽
嘗藥難明世子心誰拔螯弧功最著終歸白羽禍猶深
清時控制中原靖弔古無煩更苦吟

朱仙鎮題壁

十年七度經行處
輪鐵銷磨鬢漸絲
北地草枯朱亥里
南枝柏冷岳王祠
英雄自古懷忠憤
平世翻能戀別離
濁酒三杯人半醉
倚黃泥壁寫新詩

贈牛礪庵

瑄傳臚

誤筆曾經累甲科

君對策以一字誤寔第四

無端風影再傳訛

時受訟累

波翻宦海書生拙
天忌清流黨禍多
當路終能行直道
返躬莫更動悲歌
不忘客裏逢君處
鴻雪因緣又一過

贈徐筱亭

祥麟

庶常

黃塵烏帽絨街路

君居刷絨街

日日尋君轉覺忙
雪碎踏翻

遊子展春寒，醉倒酒人觴。記曾作客同薰寺，難得論交。
盡玉堂，癸亥夏同寓地藏庵預約秋風，還握手木天清話，漏聲長。

旅夜

半月梁園住，清宵寂客懷。窗風嘶破紙，檐雪墮空階。名
刺投誰是？征車計又乖。呼僮煮瓶酒，醉影一鐙偕。

贈申子餘司馬

淮陰是我來時路，一飯平生解報恩。地主不曾得知已，
天涯誰復識王孫？新交接，席車投轄大雪飛。花酒滿尊，
此日遊梁賓客盛，君家亦算信陵門。

延津道中

雪融風定促長征北渡黃河第一程
野祭紙錢門插柳
今朝猛憶是清明

邯鄲題壁用舊韻

黃梁飽喫卽塵緣
臣朔飢驅計欲遷
重到長安慵乞米
不能辟穀不成仙

牛荔庵述其戚康君坦園築紫雲閣諸義舉索詩
張之賦寄

大河南北莽烽烟
鞏洛奇才眾口傳
豪氣喜登游俠傳
餘生慘歷劫灰年
鄉兵耐苦伸孤憤
處士含酸策萬全
金谷中峯若前月
家家骨肉照團圓

過盧溝橋

帝闕巍巍九重高梯航奔集萬里遙途距都門四十里
行人耳熟盧溝橋橋上當關吏嶽嶽橋下桑乾河滔滔
舊名無定今永定惟吏方以關自豪稅則什一本王政
稽察奸宄肅市囂豈料天衢紛窟穴城狐社鼠召其曹
巧偷豪攫網羅密以懼來者孰能逃日暮途窮車馬殆
笑奉酒錢反被嘲獨怨公車不苛責否則朝貴有知交
可憐行李一介士甘爲挫折命所遭乙年入都我受侮
走卒幾困太史輶赴愬師門正監督放歸僅似調人調
今年又將過其地數日前已心旌搖鄉先達贈一名紙

無言吾逕度虎牢笑當關者技至此龐然大物昔何驕
數雞鳴有乘驄日定陳積弊如彈蕉盛世豈因區區利
國中爲阱路旁要譏而不征改絃轍會見恩言下絳霄
爾雖形狀暗如蛾爾雖言語利如刀失勢僅一細民耳
安能當道豺狼嗥

抵都寓米市胡同光州館考試差後移官菜園街

光州館

三番策馬到京華靜夜思量計又差有限文章難報國
無關出處屢移家空中擇地愁梁燕小處觀天笑井蛙
自昔長安居不易那能奉使竟乘槎

黃香谷儀曹

殿荃

至京同寓

君亦窮如此無錢去僦居移裝投邸舍與我共庭除精
社添詩課開尊讀道書耦耕他日約白首接茅廬

題嚴心香司馬

德芬

柳陰課子圖

疑是隱君子翛然圖畫中居閒何灑落遇險忽英雄

任

川日力

守危城鎖鑰長城恃風濤宦海空此來新晤面談笑氣

如虹

慷慨多奇節秦關百戰餘賊氛殊未已軍事近何如名
將出儒吏佳兒讀父書想君圖報國不肯戀吾廬

次日再題

銅川保障氣粗豪五馬朝天寵秩褒此卽淩烟真粉本
不須頰上再添毫

秦隴烽煙慘未舒一經教子值公餘何妨授與韜鈴讀
恰是今時有用書

送內弟吳慶五貳尹

鍾騏

之官江蘇

宣南暢好談心夜江右回思總角時先世訂交爭志節
與君耐久見襟期悲秋昨日狂飛酒送別今朝苦索詩
此去六朝雲物麗須憑真氣爲扶持

八月廿四日夜紀夢寄笙堂弟

秋風吹客夢夢還我里廛入門聚骨肉笑語各翩翩云

是我生日几設堂西偏有妹前致祝燒燭雙輝連爲念
母劬勞叩首申禮虔跪起視庭際吾父儼來前頓忘幽
明隔迎拜心懸懸父謂予且逝努力望汝賢兒乃忍淚
對願得春秋延倘遭意外事披髮辭世緣父言此大誤
過激胡爲然慟極乃驚醒枕涇涕湧泉涼颼戰庭簾落
葉戛門邊樹靜風不甯恨事竟終天父兮逝胡与母兮
壽正絲祿薄難爲養奚忍忘親年有弟勤侍奉影隻綵
不鮮我擬徑歸去俾茲旅夢圓

附和作

李嘉賓

人生別離苦誰甘棄里廛况是同根長棣萼正翩翩

猶憶祖錢日肩隨隅坐偏驪歌一聲唱雲樹斷仍連
征鞭不能挽惜別意徒虔臨歧極目送去馬如不前
南北地忽隔心旌自此懸因念平生事幸賴父兄賢
父既無可恃歲月難再延兄復勞王事我無附驥緣
歸家悵形影庭戶何蕭然消愁飲濁酒破睡煮清泉
萱堂欣獨茂本根蔭無邊甘旨養其志壽考禱於天
願來依膝下瓜瓞盛繇繇分手曾幾日轉盼乃經年
詩筒達郵寄揮灑墨花鮮何時同聚首相思夢一圓

寄懷笙堂

秋郊氣爽朝盤馬酒甕香濃夜說詩小別經年成往事

昨宵有夢惹歸思故園花木殊清妙燕市風塵苦絆羈
養母治生兼課子累君一一善支持

我未乘軺君下第今年厄運苦相侵文章畢竟成何用
得失仍須證此心書氣填胸求免俗名場著眼待知音
應科有日南轅北坡穎聯床話夜深

作家書附呈昂軒小川兩叔子元翰臣兩兄

城西酣醉別攀柳景依依

春間戲別於
州城西梁宅

骨肉情常戀家

山夢屢歸居窮覘道力習靜養靈機補贈臨歧語離懷

悵夕暉

遙想平安況閒居境亦仙傳經培後起行樂趁中年花

事剛成癖

小川叔德有鄰齋花木頗盛

塵勞未了緣

翰臣兄赴廬隄州復詣衡輝

除貧士例辛苦兩青氈

昂軒叔子元兄授徒自給

飽煖尋常事偏難庇本根辛勤承舊業零落慨清門學廢宗將替飢驅氣不溫義田何日置親誼望同敦

京宦清貧甚年來我亦愁賢聲艱負荷祿養愧遲留俸少仍沽酒詩成易感秋客冬吟社聚回首思悠悠

庚午除夕

爆竹聲中酒滿卮殘年戀我故遲遲無多歲事緣爲客最動鄉心是此時窮亦所甘文漫送貺原可賣性難移

幸逢島佛

謂黃香谷

通宵話舊稿重抄約祭詩

辛未元旦

祭詩酒脯尙紛陳一夢纔安又向晨
百歲光陰忙底事千秋懷抱屬何人
倖叨科第官終拙細勘滄桑氣轉真
孤館蕭然得閒趣也裁紅帖寫宜春

題王春波載鶴畫冊

昂然一鶴立船頭江映桃花碧似油
自是天生清遠物乘軒畢竟欠風流

訪楊芸閣比部

繼祖

於保安寺

慵隨車馬鬧新春散步斜陽訪冷人
前代貂璫窮土木寺爲前明禪關魚
鼓隔風塵不妨寒夜談忘倦同是閒
太監建造

官跡倍親話到虔詞能入妙東施卻悔效西顰

香谷近作鐘謎

余亦與焉

偕香谷移寓賈家衚衕張子駿前輩

鴻遠

宅

館居例讓少年郎

空會館與應試者居

蹤跡真如雀處堂鄒湛遊

偕羊叔子常何客得馬賓王

謂香谷

偶然寄食來籬下未

肯遺金拾道旁

時客中餘五金

熱不因人聊質廡也將三宿戀

空桑

種竹

方看新篁載後車居然翠影蔭吾廬一編終日依窗坐

如讀皇初綠字書

磨勘試卷

盛朝文體正依歸掇第還須別是非豈少戰場迷李馬
且將險語黜劉幾小疵莫任吹毛刻短畧須憐信手揮
憶我登科聞藝在那能完壁韞光輝

春闈分校

絳霄片紙懷傳宣末學榮分貢士權玉尺重來辛苦池
霓裳又詠大羅天孤寒螻屈經三歲運會

龍飛屈十年心識今番才最盛七千人集孝廉船

是科各直

省舉人至者
凡七千有餘

花樣翻新妙揣摩自慚持鑑識無多行文果得清剛氣

收效何殊極諫科縱有虛聲誇處士不容關節到閭羅
兢兢方寸勤搜討休當烟雲眼底過

米鹽瑣碎酒兼醺似海門深市月栖中夜薦章惟一鶚

連朝公膳亦雙雞

同考官供給單列雞一隻

取材珊瑚心須細致聘

金牌品未低

校卷日有聘禮牌

不爲門牆爲廊廟莫教容易判

雲泥

詠薦卷落卷各一首用聚奎堂壁間王衷白韻

工夫誰淺詣誰深不見朱衣暗裏臨百步中原非爾力
一言智足驗儒林相期雲上神先奮猶恐風高響易沈
早有入銜知己感只緣摸索出無心

文卷披殘積累深
險於騎馬夜池臨
嚴霜掃葉黃堆徑
驟雨敲花綠滿林
珠玉光輝終特達
泥金消息未全沈
青衫况味吾曾記
搜取寒宵屢問心

觀水夫澆會經堂花木

堆案文字苦搔爬
一月不雨多風沙
閉門兀坐惜春去
那知無意翻看花
此花會經堂畔植
終歲封鎖無人誇
春風遂與紅塵隔
有如仙卉閼谿舒
我輩今年來此住
庭柯一一豔流霞
花開似慰客幽寂
客賞亦憐花掩遮
調水符來大解事
抱甕無殊龍骨車
百道飛泉向空灑
人比雨師無少差
洗出花顏花亦喜
高枝回潤方橫斜

明朝我更舉裳至樹下孤行覽物華

聚奎堂觀草榜

通籍先期次第排誰知造榜亦胚胎暗中猶屬無名氏
局外難搜有數枚卜大廷甌尚覆丹成仙府鼎將開
分明舟近蓬萊路莫被神風又引回

榜發得士十九人口占

泥金捷報五城喧桃李新陰幾樹繁十九人都非碌碌
莫因相士薄平原

唱名第二奏雲嘉爭說安陽宰相家卻幸吾門符故實

早圍金帶晚黃花

子房首邵生世
恩舉進士第二

家元喜擴之兩叔以迴避未與試呈此奉慰

偶擢參苓品翻增芥蒂胸衡文期稱職遺累及同宗定制寬仍肅名心淡亦濃故鄉遲得信猶卜鏡芙蓉

昆仲孝廉船偕登禮部年我忘蔥肆賤人惜竹林賢攜手同歸否捫懷最歉然郊邗才自在再舉卽先鞭

新進士引 見門下館選及知縣各六人部屬七

入喜賦

八軔清秩六曹勲百里才高尚出羣學術源流同一脉宦途中外各三分須知夏課爭相羨便謂冬烘亦所欣御筆親除宜努力荒莊猶足張吾軍

薦卷來執弟子禮者頗多賦此志愧

薦鶚殷勤列上台登龍咫尺阻春雷未能拔爾吾方惜
正患爲師客又來畢竟吹噓慚薄力那堪抑塞是奇才
東風再與諸君約江畔芙蓉次第開

小市

都門有小市或欲往觀之昧爽色始辨負販途爭馳金
玉敗絮雜竹頭木屑微竊將雞更鶩誤以黃爲驢價昂
忽減直目眩方售欺貿貿交易退揚揚得意歸虛車與
賸鼎雖悔不可追始悟小市小不及日中期人生天地
內處境類如斯君子務其大慎勿羣小隨

偕香谷遊龍樹寺小樓聯句

開軒挹澄霽

香

風景稱清游萬葦綠成海

顯

一峯青過

樓詩懷涼似酒

香

宦味淡於漚前會嗟亡友

顯

蒼茫起

暮愁

香謂張仲美

送劉生兩峯

珏

回鉛山卽之官閩中

經世需儒吏親民屬宰官喜君頗真率游宦定平安水

驛歸帆穩金泥故里歡西江陳跡感雲樹夢中寒

子幼侍先

君居

江右

因緣誠有定文字契無形梁苑予登第驚湖子受經

華亮

峯師主講鉛山

成陰接桃李立雪共門庭歸報東山客蒼生望

雨零

九月四日移寓官菜園街

百年猶寄耳草草又移居興至忘拘忌

俗傳五九兩月不移徙

慵督掃除醉餘寫租券睡起理殘書宅後重循步西山

正繞廬

十載爲京宦今朝僦屋纔誰供官圃菜徒負故山梅同

巷鄰曾識

向寓此街尤州新館

敲關客偶來塵勞且自憫菊畔一

尊開

吳幼岑舅兄

雲窩

許贈貓以詩索之

宵來鼠輩猖狂甚君許迎貓護案書舉典敢矜言有物

雄材忍看食無魚卻慚致聘儀先薄轉恐同眠習未除
齋寺頻年恩豢極別時戀主意何如

貓逸去兩夕始歸喜束幼岑

狸奴逸去渺何方昨夕鳴聲又繞廊辭職羈臣終戀闕
登壇國士賴追亡肯教鼠子踪仍熾或爲魚飧惠未忘
舊主不須更惆悵朝暾煖臥菊籬旁

子芳母舅貽畫竹蘭菊梅四幅各爲題句

竹依石爲生石與竹爭長奇氣各槎枒通介將安做
幾箭含苞競秀姿同心臭味恐差池香風莫放出山去
珍重孤芳自賞時

冷淡生涯足傳神到化工相期爭晚節不必傲秋風
骨榮三徑仙根護幾叢試叅黃菊意便與紫荆同

得勢拗枝仍直上受天元氣獨常完甘爲和靖山中伴
莫當羅浮夢裏看鐵石心腸纔作賦冰霜骨格不知寒
他時結子青如豆尚帶儒生一點酸

請香谷書苑廬額賦謝

十丈塵中一把茅誰能不繫免爲匏涼州風雪隨吾住

寓爲甘肅試館猶恐人將熱客嘲

兩字懸空鐵畫道縱橫氣向筆端流此時苦葉吟無用

我交終須共一舟

納田氏姬

稼軒舊事豔田田卜姓相符亦偶然中歲望兒情正寂
小家嫁女態堪憐蛾眉未損黃金價鴛頸初逢碧玉年
耐盡燕臺秋色冷夢回今夕月痕圓

紛紛媒妁說婚姻日下鶯花海樣春解辦齏鹽終歲計
便超脂粉一流人性情非傲堪爲小艱苦曾嘗不厭貧
我室榴環題額在顏室曰榴豔山房取多子之意明年看育石麒麟

聞新甫外舅之訃

慟絕今生孰賞音泰山峯是伯牙琴憶攀青桂襟懷洽
竟厭紅塵了悟深丁卯晚先君句云同庚先我厭紅塵經學高無人著眼

宦情淡有我知心空教珂里傳佳話玉潤冰清兩翰林

公爲乙
未進士

臨民取士總無私楚蜀清風著口碑書債償從投老日
鄉評好比在官時餘年遣悶三杯酒全力求工五字詩
文稿傳鈔曾紙貴梓桑婦孺姓名知

服公謹慎一生優愛我粗豪轉未休冷宦功名教入手
詞林故實述從頭行吟白社方娛老結客黃金不浪投
昨始寄書誇得士聞將易簣尚回眸

笙堂送內子至京

連年漂泊老天涯頃刻鄉音一室譁莫笑梁鴻貧似昔

暫將賃廡當還家

好音乍到喜還驚
大婦登門小婦迎
梅子含酸桃帶笑
天生物性肖人情

吾弟翩翩負異才
今番始得到金臺
士衡只有三間廡
待爾添修五鳳來

朔風聲打紙窗昏
圍坐紅燈絮語溫
嬌女牽衣頻問訊
尚疑京宦住牙門

笙堂將歸光州餞別以一牛舌佐酒率賦

弟爲客兮我爲主
開尊且慰征途苦
貧官庖肉本無多
不射殺牛安得脯
時自正陽門外歸
賈胡樓畔市甘肥

忽得太牢三寸舌如逢內則八珍希生平未嘗此異味
拌得寒宵一場醉雞舌香與雀舌茶西施舌亦當退避
羊舌氏猶可抗衡只因清節比埋羹我難執耳光壇站
汝毋叩角情歸耕一杯乾又一杯進咀嚼頗堪脩良醖
割舌料無包拯知吐舌豈有丙吉問東鄰宴客尚豪奢
鳳髓龍肝極力誇我正窮途汝下第天將清白永吾家
兩月往還五千里慈闈度歲需菽水雞豚養老慎常供
人子椎牛防有悔我輩長貧不足憂或云小宋定風流
他時請念今朝事漫詔吾何愛一牛

送笙堂歸

兩年離別後半月笑談時忽送征車返深愁宦轍羈歸
田何日遂登第與君期指點春明柳重來慰所思

臘月望夜楊芸閣比部來訪留飲

清談微雪兩瑩然一笑春溫臘底天我輩情從閒處寄
今年月只此宵圓劇憐嬌女吟詩句肯爲良朋吝酒錢
同是思歸歸未得黃梁愧負夢中緣

步鄭紫垣明府

桂星

見贈原韻

冷醉閒吟足解愁鯁生於世本無求擇交祇覺朋難得
嚮學翻慚仕未優落拓才名青史筆縈回鄉夢綠莎洲
誰知京洛縉塵裏幸遇康成許結儔

壬申元旦

歸路三千懷故里行年四十慨吾生宦惟守拙憑天命
詩不能工況世情得子儻遲愁似續讀書太少愧蓬瀛
百憂揮去增歡喜團聚妻孥瀉酒甕

賀董硯樵師新授鞏秦階道

蔥蔥佳氣鬱三秦獅豸重經拜命新塞上雲山橫似昔
日邊綸綍早於春書生報國剛酬願別酒臨歧敢愴神
西賊心寒終解甲當年韓范亦儒臣

簪毫久直鳳皇池進講常聞獻納司

師充日
講官

賦裏枚鄒

人競羨禁中頗牧

帝先知賣刀早畫安邊策露布能書擊賊詞治譜超超
傳徼外饒歌更出錦囊詩

憶曾叱馭策時艱匹馬伊涼自往還

曾任甘肅道

父老爭迎

香案吏陽春再到玉門關但憑真氣堪經世莫縱鄉心
遽買山讀盡祕書千萬卷何難韜略化羌蠻

文弱身偏膽識道風塵人不辨名流偶因臥病憐司馬
竟擬行兵短武侯惟我知公能任重將心應事最才優
徑思負笈相從去戎幕山川侍壯遊

席上贈朝鮮副使朴綺園行人

鳳彬

卽用其韻並

示正使

春明薄宦滯歸驂東國詩人已友三

丙寅歲識
李君晉翼

他日因

君夢滄海爲傳佳句到淮南

厲齋新編葦籬

新葦賤于竹編成麂眼斜疎痕宜月夜野趣近田家
比較紅闌俗安排綠蔓遮偏來嬌女問種否鳳仙花

詩社卽事柬袁子久中翰

保齡

社中法限二字作七言詩一聯字嵌每句之首
曰鳳頂嵌第二字曰燕領第三字曰鸞肩四曰
螭腰五曰鶴膝六曰鳬脰七曰雁足又一嵌於
上句首一嵌下句末曰魁斗或嵌上句末下句

首曰蟬聯限四字折開嵌用不論對仗曰碎流
論對仗曰碎聯四字分嵌兩句首尾曰雙鉤二
字錯落對之如此置上句第三字彼置下句第
四之類曰鹿盧或置上句第四下句第三之類
曰卷簾又有分詠合詠駢體諸目則拈題而不
限字合詠閒亦限之構思時以寸香繫縷上綴
以錢下承盂火焚縷斷錢落盂響雖佳卷亦不
錄名曰詩鐘都中盛行之

一寸香然刻燭同青錢戛擊鉢聲終催詩略仿前人例
得句如成大將功意在陶情何計拙詞因門捷轉能工

漫將雅集矜佳話洛社相期繼古風

尖又惡韻總諧聲新什翻從競病成禁體森嚴緣斷句

奇文變化自生情喧傳日下人爭問好到天然我亦驚

傾倒騷壇執牛耳也如李白慕袁宏

周郎倜儻蕭郎韻

周子蘭蕭仁庵

大小吳公律更諳

吳玉甫吳幼岑

曹

植才華推最著

曹子幹

郎彤筆法妙能參

鄒小山

涪翁意致

都奇崛

黃香谷

燕國文章定蘊含

張少玉

記得席前盟主語

狂吟多在大河南

子久和高麗使臣句

淵明幾輩去攢眉賸有馮生格調卑小叩小鳴金待擲

大慚大好管頻窺操琴雅與鄉音習載筆甘從未座隨

惟望羣公齊努力雕蟲還讓壯夫爲

六月十四日夜夢得後二句醒足成之

吟情鄉思兩難降夢向煙波泛釣艤俯看月離人不遠
就中隔影是滄江

送李苾園同年

端棻

督學雲南

衣繡還鄉羨此行乘輅人是棄儒生滇池萬里星槎遠
玉尺三番藻鑑明新構青廬增喜色快從仙李說宗盟
燕郊扈蹕連牀夜回首空桑最有情

枕上聞絡緯不寐

斷續商音徹耳清啼霜號月太多情汝方得氣知相感

我更從誰訴不平浩渺江湖搖客夢蕭騷天地起秋聲
鄰家綠酒紅燈裏正聽笙歌到五更

喜褚季良大令

銘

至都卽送其之官粵東

漢皋風雨並從軍宦轍漂搖袂易分別十六年應憶我
游三千里又逢君緣來小醉燕臺月夢去新飄粵嶺雲
起舞逖琨曾共榻著鞭莫更悵離羣

題宋小厓刺史

玉璫

雨中看牡丹詩意圖

畫意詩情稱勝游玉堂前輩盡風流

原唱爲楊海琴觀
察潘星齋京卿爲

補圖毛煦初司空宋
雪帆侍郎均有詩

與君楚澤紉蘭日一段幽香寫得

不

金戈鐵馬夢蕭森
京洛緇塵又滿襟
輪與圖中花富貴
祇將離合訴同心

連日晤季良小厓均在漢陽戎幕相識感舊有作
握手燕臺月又圓
漢陽歷歷樹如煙
鶯花短景催秋色
馬稍豪情夢少年
袞袞諸公皆貴顯
迢迢何處有神仙
良朋休苦愁離別
粵海湘江尚一天

接家書寄笙堂弟

關河迢遞雁行單
極目鄉雲刷翅難
鄭重郵筒書一紙
挑鐙無語幾回看

藉藉聲名好秀才
冠軍文字脫塵埃
論詩預訂明年約

策馬來登市駿臺

弟歲試第一寄
試帖未盡愜意

新婚燕婉慰吾親
膠續剛逢竹醉辰
玉鏡一枚符故實
宜家今讓織縑人

冷落京華慣索居
旅懷宦味兩蕭疏
杜門終日閒庭坐
課僕栽花女誦書

回首懸弧四十年
山妻壽我促開筵
本無哀樂難陶寫
沽酒連朝費俸錢

秋風著力撼書幃
此日蒹鱸味正肥
客夢驚醒愧中夜
餘園竹石盼人歸

臘月望日東楊芸閣比部用去年韻

殘冬客緒各依然鵝爪尋踪又一年
遣悶酒須千日醉多情月爲兩人圓
縱談世事君知我淨掃閒愁境卽仙
明歲殿前同應制應教拜倒筆如椽

癸酉元旦

卅年又數歲華新塵海俄驚見在身
冷煖宦場原似夢牢騷心緒不關貧
性情須肖人中我况味難如臘後春
已是昔賢強仕日憑何事業答君親

贈李鐵帆

孟平

太守

眉宇依然意氣橫談深漸覺語和平
池塘春草縈詩思擬梓令弟滄海桑田淡宦情
誰爲築壇求國士須知經子派遺詩

世仗儒生閒官我更疏慵甚且把郵筒理舊盟

詩社分詠二絕句

夾竹桃

參差綠意與紅情懶向東風作送迎一種天生好顏色
不因勁節不知名

叩頭蟲

居然習禮到么麼塵世勞勞亦太苛知否六鼇同此首
戴山終古閱風波

聞笙堂弟得拔貢生志喜

深喜吾門幸事多菲材翻遇禮爲羅無雙士豈能相副

十二年方設此科挾卷又堪驅北轍對牀先足慰東坡
春風期爾來遊早再向吟窗苦琢磨

考御史 記名恭紀

十年養氣幾曾完凜凜風霜重此官

帝訓

微臣

須學慙

命題馬汲黯論

天行秋令特生寒

考日顯雨甚寒

昇

平本少豺狼窟風采新瞻獬豸冠轉爲玉堂增感戀讀
書常覺歲華寬

七月二十八日側室生子

四十綳兒候略遲長成豚犬亦堪怡多男預兆占榴實
佳種旁生愛荔枝猛憶沈珠雙影渺

前室吳舉兩子不育

何因弄

瓦一年期

內子四月生女

他時果守青箱業爭怪傳家譽衮師

香谷未赴鄉試賦贈

咫尺龍門啟君偏自晦深愁逢應舉日恐負讀書心吏
隱將終老時名未易侵長安獨閉戶何處不山林

中秋對月懷笙堂弟時在汴省闌中

從余旅館開尊處想汝風檐射策時下筆千言應得意
舉幃兩地共相思月來天上有圓缺我願人閒無別離
盼到明年姜被煖便逢雨夜亦談詩

翰臣兄來函敘近况賦答

尺書悽切說途窮莫遣愁中與病中往日才華不羈馬

暮年心事可憐蟲無佳兒亦難爲達有好詩仍未覺工
我更京華歎飄泊塞垣秋老一征鴻

贈余雲樓

修鳳

司馬

湖湘有奇士嵩華作清游縱筆河山遠論交風雨秋

君著

遊華尚記詩懷如此壯治譜定能優好助浮槎客遺經再校

贊

友石師注詩經君官陝右多所商訂

寄笙堂弟

我未乘輅君下第再將舊句詠今年拔茅階並羣賢進
簪筆名從察院宣歧路亡羊無定向塞翁得馬總前緣
清貧中有安心法廉吏家風好共傳

晚步南下窪

散步不知遠蘆叢一徑偏寺荒鐘覆地城遠樹參天野
趣閒中領詩情悟後圓灌園吾羨汝高枕枯棹眠

甲戌元旦

隱居朝市亦巖阿歲月怱怱靜裏過膝下有兒娛日永
胸中無事損天和窮愁漸逐才名減薄俸難酬酒債多
四十二年駒隙速須防心力再蹉跎

近年得詩甚少殆衰徵耶作此自警

塵起元規欲染緇夢還彩筆漸無詩偶書秋蚓斜行迹
殊少春蠶未吐絲近體猶難描野景遠謀遑敢贊清時

何當橫覽江湖闊爲我吟毫一起衰

公車諸友訊余近況奉答

誰信無魚養信天元龍豪氣老青氈官階不進詩才退
只有清貧勝昔年

喜筌堂弟攜鎬姪至京

道路衝風雪科名慍別離乍逢真似夢深喜猝無詩沽
酒出新俸讀書憑好兒慈闈說甚健莫奉板輿遲

勗弟

雁行復合釋春愁况掇巍科上國遊頗憶樂城席北面
今來洛下解西頭知名早有齊驅概養母頻爲力穡謀

爭怪髯蘇詩興發小於菟亦是風流

題畫扇二絕句

春光駘宕足行歌茅屋琴聲養太和
我已塵沙飽滋味溪山未必少風波

又聽絡緯訴西風依舊蕊香在夢中
敲得菜根何事作相看都是可憐蟲

翰臣族兄訃至

習賈求官兼應舉君於羣從獨翩翩
寡情骨肉興家難失意風塵損壯年
寄我越吟纔隔歲依人蜀道尚無錢
書來一慟孤鴻在遺稿難忘抱喪篇

兄詩名
抱喪吟

內子舉一男

充聞喜色不曾停玉燕投懷兆竟靈差異詩人遲得子
似因國役屢添丁仙根指樹欣同姓舊夢徵蘭賴小星
自笑洗兒錢正少秀芝歲歲欲生庭

紅葉

霜景招回二月天醉紅搖影徧山川
肄書欲賤三都紙執爨新生萬竈烟
已是緒餘猶實用便論顏色亦真妍
眼前無數秋花脆不到飄零早可憐

聞鶴

衛懿公好鶴未云好在聲華亭喜聞
唳晉人發此情始

知淡遠物本有清高音我鄰宋玉宅胎仙養其亭只茲
一牆隔時聞九皋鳴惜近長安市日惟凡俗親啞啞烏
啼曉閣閣暮報更紛擾羣動聒紫蚓雜青蠅洗耳輒復
至悶懷向誰傾何期羽族長貺之逸興頻縱爾警露響
催我蟠泥伸轉念凌霄翼胡亦羈風塵豈重羊公惠姑
作雞羣行卑哉吾與爾鍛翮失其真一舉盡千里廓然
青天青

笙堂應 廷試被遺欲入貲爲中書及從戎關外
皆不果行重陽日病起作此慰之並送歸里

兄弟他鄉聚重陽酒一卮詞章愁被放風雨訴將離落

拓從軍願艱難買爵貴故廬歸伏處莫負讀書時

攜鎬姪遊陶然亭城上登高作

綠陰回抱寺邊樓撥起蒿萊覓徑幽衰柳拂衣秋滿眼
折蘆壓帽雪蒙頭人生有酒休辭醉兒輩無才不解愁
獨上高城一昂首西山蒼翠夕陽浮

笙堂及內子還家

弱弟被放志投筆病婦稍瘥面有墨婦攜兩女弟攜兒
一夜鄉心如水急長安旅食境無聊我欲弗戰尚能默
家人少此堅忍腸鷓鴣空喚行不得深秋寒影搖曉鐙
釀成離別可憐色泥深一尺埋馬蹄輪無四角走起忽

人去堂空未覺寬三楹留作埋憂窟眼前骨肉是何緣
聚散連番不可測寸衷輾轉姑高眠辛苦兩雛付燕姑
費盡昨宵風雨聲何嘗能改南轅北

次日得笙堂書內子病發急迎歸至寓遂歿逾月
始哭以詩

曉起秋雲黯胸襟慘不開登車真一誤屬續始重來久
病無遺語長眠轉脫災還鄉魂魄健商嶺定飛回

十六年前至求名計本差離懷將化石瘦影不如花我
耐艱難日卿生富貴家臨終方得子欲去幾回嗟

錚兒生百

日未
隨行

似解見無期。恩去不辭長途醒。短夢死別當生離。命
豈絲能續。心非藥可醫。挑鐙寒夜坐。曾待我歸遲。

思親頻落淚。別我復傷心。兩端愁不解。一夕禍相侵。孤
楓悲難寄。慈闈望已深。首叩償汝願。吾亦返山林。

還里

有謂予居近南下窪非吉宅者作此解之

南下窪堪愛蕭然屋數間。有時攜孺子無事玩秋山。遠
寺尋僧話疎林待鳥還。長安冠蓋地誰得此清閒。
南下窪堪愛寥天眼界開。荻蘆常戰雨車馬不轟雷。謀
野來詩料看雲落酒杯。閉關聊自足惜少著書才。

南下窪堪愛幽居事不違水甘緣井近蔬賤值傭歸積
雨童來浴衝泥客到稀鄰家多野老見慣亦依依
南下窪堪愛年年此寄身出門逢稼穡息轍謝風塵時
動歸田想遑爲卜宅人遷喬非我事何用厭清貧

赴國史館

纂修超局屢經年常愧虛糜月俸錢後進一朝嫻故事
陳人幾輩出新編都無恩怨惟憑例小有勲名亦暫傳
史筆顏唐還自忖猶堪寫景到江天

仿潛齋詩鈔卷九

浮海集

光州 李嘉樂 憲之

冬月初三日出都

更引都門酒一杯
恩恩驅馬出城隈
回頭北闕朝班遠
到眼西山好景開
薄宦幸能將母去
歸程並爲覓詩來
同行尚有涪皤在

謂黃香谷

已覺吟情故故催

長新店早發

鐙暗荒雞亂林深
瘦月昏今宵未入夢
何處與招魂事
後叢多悔生前恨
少恩長途吾伴汝
一息慟猶存

琉璃河道中

薄醉和殘夢不知行幾程僕夫指雙塔前是涿州城

晚抵安肅

黃沙如雨灑征袍偃蹇車箱氣自豪卻看村農笑遊客
果因何事習塵勞

途中贈香谷

閒官蹤跡少人知聯騎殘冬去不辭差似耳餘亡命日
待看琨逃著鞭時從軍有膽何須鍊經世平心莫用奇
君向玉門我還里河梁重與賦新詞

抵新樂縣

孤村天冷醪初熟小店年豐餅正香此日采風過新樂

轉從樸野見荒涼

新樂河干

行潦橫無際橋成雜土萊輿梁沿古制溝洫鮮通材冬
令蛟深蟄秋原雁正哀畿南饒沃壤水利孰重開

渡滹沱河

滹沱滾滾濁流忙依舊亭前麥飯香自昔君臣同骨肉
斷無戎馬不倉皇願歸大樹軍心奮能渡堅冰國祚長
此去還鄉有勝蹟更尋祠廟拜蕭王

趙州橋

虹腰攢簇石粼粼大業名垂匠李春奇技一般分作用

迷樓剏造更何人

登橋上高閣

不澆趙州酒不喫趙州茶獨登趙州橋上閣倚闌昂首
望京華浮屠誼與君親薄豪門養士習亦惡別有懷抱
人不知川原日色林邊落

車中書所見

風緊天地變閉塞成隆冬萬類氣相感收斂如瘖聾麥
苗繡隴畝獨標綠茸茸蹴齧雜驢馬踐踏及兒童胡爲
不珍惜心竊怪老農老農謂不然冬嗇春始豐此說頗
奇創其理堪會通譬諸古豪傑堅忍方成功又如文學

士挫折藝始工瑣瑣目前境奚足窘吾胸松寒乃彌茂
花嬌無久紅

昨過邯鄲錄舊作三絕句更作一絕末云尚有君
親恩未報此生無暇作神仙今日覩壁上楊芸
閣比部句語意相同因誌以詩

二十年前句狂吟我竟同名場一春夢塵迹互秋蓬回
憶雲中鶴應憐雪裏鴻壞牆重拂拭誰與護紗籠

魏家營題壁

漳河渡後夷門近歧路流連得句遲疑塚信陵搜故實

至今心折鐵琴詩

鐵琴山人爲羅山黎靜庵中翰
詩中用疑塚信陵字因憶及之

贈香谷用前韻

世閒百事都看淡行李蕭然匹馬遲獨有愛才心不死
夜深追誦壁閒詩

香谷和作

弱歲文章爭絢爛而今匹絹奪邛遲此行豈復耽吟
詠爲愛才人且錄詩

過湯陰謁岳忠武王祠

中原指日返徽欽三字詞成鍛鍊深奸相最能窺上意
敵人猶自諒臣心一門就義傳兒女五國埋冤憤古今
幾度過祠瞻謁晚陰風翠柏極蕭森

香谷同作

時危深倚岳家兵，戰急翻教和議成。
君得偏安無別願，臣甘冤獄更何爭。
風雲盡撤諸軍壘，冰雪長埋五國城。
片紙驟聞傳上意，繡旗手詔尚分明。

十五日抵衛輝與香谷話別

風旗獵獵動征車，惜別臨歧意有餘。
好友都如雲散去，離懷偏值月初圓。
負才自合歸戎幕，弔古從誰問祕書。
淮北關西兩惆悵，相思莫吝遺雙魚。

延津道中

暮鳥爭投宿，疲羸更遠征。
沙揚迷舊轍，塔矗表荒城。
壯

志銷婚宦塵緣悟死生奔馳今已憊差喜是歸程

晚宿尉氏大風

狂飈撼屋鏗昏壁短夢驚回客感多咫尺黃河風浪惡
片帆幸向明朝過

過東里國大夫祠

幣輕勉事強鄰易國小能行實政難惠字定評褒孔孟
刑書別派啟申韓春秋似此全才少潦洵留將遺愛寬
虎率以聽推薦誼也應祠宇壯林巒

朱曲和香谷庚午入都壁間韻

瑣瑣風塵重報投鄉心畢竟愛光州黃香綺歲書全讀

李廣窮邊相不侯將母南來終戀闕
依人西去獨登樓
香谷赴肅州營行裝潦草差相似金盡何曾重一鉤

附原作

款署石鵬

三年懷刺未輕投忽忽風塵又許州
蝸角有名仍故我虎頭無相不通侯
銷磨客緒雙輪鐵落拓天涯幾
酒樓今夕家園南望久鄉心難挂月如鉤

平生意氣孰相投落落知音散九州
白酒三杯真性命黃梁一夢卽公侯
觀雲早悟迂倪畫攬日誰登小
謝樓獨有壯心銷不盡夜深解帶看吳鉤

亡婦歸櫬先一日出都至衛輝始追及茲更奠酒

並以詩妥其靈

桐棺千里歸骸骨是我生前舊結髮奔走羸綱行路難
郎當鈴鐸聲悽絕晝禁風日夜禁霜旅店孤燈半明滅
中途奠以酒一厄舊情欲說不堪說憶卿從我貧賤年
牛衣何處得金穴到京三載條長眠昔是生離今死別
身後僅存百日雛麻衣作裸影如雪上奉舅姑下育兒
餘事纖微奚足責連日曾少須臾離聊補從前分疎隔
倚裝孤影客悽惶破櫺斜射半輪月

早發息縣

入夢幽魂不可憑歸心今夕益飛騰聞雞早起星垂戶

策騎宵行月代鐙三舍過征來故里一棺前導走荒塍
生平嘗徧離鄉味又爲還鄉感慨增

到家

我遊婦忽亡老母心先悸婦亡我未歸老母心尤繫
然我入門母喜出不意婦構城外停發喪姑從祔母但
愛我歸猝若忘婦逝久始得其詳亦復潛然涕屢訊兩
孫雛有妾代安置頓釋九回腸漸收雙墮淚促兒絃續
膠莫守輞川誓室內春風溫門外冬氣閉

吾弟自都還話別始逾月不意我忽來握手逾歡悅貧
士例在途那顧輪蹄折猶辛苦中甘仲冬尚無雪互證

風景殊夜深談未歇小阮強解事獻詩慰其伯鍊句雖
未工用意頗不劣明朝姊妹來五載音容隔未忍慰窮
途姑獎挂朝籍親族來視予敝廬爲之窄酒食互招邀
舊情布新席鄉味如此濃令人悔行役

東周樂山

觀仁姻丈

先生一別十載餘蜀西燕北游蹤殊先後歸里忻乍見
鐙前談笑驚白鬚始訊年華次問里委巷亟訪高人居
女牆道狹不容馬雪水融凍衝泥塗入門一笑大快意
坐擁皋比羅生徒白竹紙窗書細字黃茅草屋列奇書
介弟翩然出應客朔風肅肅飄襟裾兄弟天倫得至樂

我意胡不遂其初憶昔弱歲騁文墨先生喜極時延譽
迄今老大成何事筆墨荒寒骨肉疏長安日糜太倉米
親友誰聞庚癸呼冷官於世百無補薄祿未能奉板輿
清白可爲知己道悲憤更將胸臆攄教授惟須經與史
舉業直可焚篝鑑便教紫綬游京洛不及青氈作老儒
居停主人我同譜扶風絳帳城東隅謂馬子貽同年鐘鼎山林
味嘗徧持此示之間何如

抵商城哭黃新甫外舅

千古音容杳重思笑語親高齋何寂寞遺墨尚精神泉
路攜嬌女室人新沒於都中書香啟後人生平重知己憑樽淚

沾巾

贈方逸齋書記

熊

詞場喜遇方山子，觴詠風流絕世無。
人到故鄉耽好友，天令我輩耐窮途。
等身著作貧纔稱，繞膝芝蘭老足娛。
笠屐儻教乘興到，雪花蓋屋酒盈壺。

修葺餘園

庭前隙地強名園，舊主人歸暫息輟松菊。
重將三徑闢，此心動到護花旛。

歸仍作客計，真差小小園林。卻是家手種梅條，已盈把。
含香待我一開花。

宿佃舍

奔走遙天豈有涯
優游還讓野人家
茅柴酒薄排泥甕
草舍梁低架水車
吾不如農將老矣
今而悟昨殆非耶
何年真箇能歸隱
便是無田趣亦嘉

再至商城越宿抵家已小除矣

晷短偏經陌路長
山城往返月昏黃
馬行凍地聲成石
鳥宿寒林背帶霜
中歲又增婚宦累
今宵不爲利名忙
幻泡大有安心法
事到難圖願轉償

乙亥元旦

故園暫返侍慈親
光緒初元歲月新
五載重嘗鄉里味

一朝又啟太平春欲從江海觀天地不信波濤伏鬼神

瑤闕依然名籍在遠游膽氣正輪囷

擬自九江
泛海還都

初三日課族中子弟於頻羅木犀交香書屋

瞻族虛吾願能文望爾曹搜才輕骨肉相士總皮毛座
借辛盤集門慚甲第高騰驤誰健者世有九方臯

香谷題金縷曲於旅壁余與倡和成帙方逸齋黃

梅岑笙堂弟蔚卿甥均有和作再紀以詩

黃河妙句唱雙鬟畫壁猶能啟笑顏識得才人心裏淚
不教風雨痛名山

出門

四番北去別家鄉此日南行路轉長笑指西江尋舊蹟
愛浮東海拓愁腸書生愧不知先務邊吏聞猶設遠防
預惜一帆風過處只添詩句壓奚囊

二月朔祭沙窩祖塋同往者爲席珍叔笙堂及嘉
楨弟

先世籍鄱陽遠者弗可考推官仕黃州昭穆系均了三
傳徙沙窩青烏術通曉同宗憫其窮與地慰其老生壙
九尺深遺言勿草草厥後五六代繁衍且溫飽惡俗冀
餘光叢葬肆紛擾或橫侵於旁或竊踞於表深處莫能
干技窮徒自惱憶從我入泮祖攜來墓道不讀赤霄經

但見青山抱俗稱象鼻形共說牛眠好距今二十年科
名聯華藻所慮發洩多弩末難穿縞寒族幾小康祖德
詎常保矧就陰陽微欲得報施巧諫官禁葬書溫公見
獨早追遠致吾誠松楸地一掃

界嶺店中阻雨

嶺上冥濛雨四圍家鄉回望溼雲飛晚嵐潤硯聊摹字
破几臨街不掩扉吏急催租撐蓋過童欣放學抱書歸
客懷孤寂憑誰語且喜連宵宿翠微

宿胡氏山莊

旅况無聊極招邀地主逢田青三日雨村黑一山松子

小知窺客丁多總務農感茲雞黍意暫住覺從容
書齋塵不染半讀半耕家研墨頻求字添薪更煮茶
案堆新購紙盆養未開花奔走心方悔吾生亦有涯

枕上聞泉聲不寐

檐溜暫歇客慵起汨汨奔泉鳴樹底多年未得聞此聲
今夕枕流快無比猛如金鐵靜笙簧不羨淵明聽田水
詰朝主人爲我言終夜聞泉苦聒耳許由瓢尚有靜時
近者如斯喧不已亂石可磯響益高喝退惜未通禪理
聞罷斯言付一吁凡事見慣皆如是我厭風塵汝厭泉
總以新奇爲可喜或瞻冠蓋若雲霄或愛蓑笠勝金紫

不如都作平等觀世間本無彼勝此

晤家鶴仙叔於巴河釐局

水濱踪跡近樵漁又笑遊人駐小車幸有江湖逢骨肉

喜無子弟廢詩書

諸弟均從師讀

征鴻舊迹重相認

叔丙辰赴楚王戌赴

京子均

隨行封鮒清名定不虛今夕銅盤開異饌傾杯飽食

武昌魚

晚泊龍坪懷方友石先生

龍坪風雨句誰題楚澤烟波罩柳堤

友師句云楚澤他年尋舊稿三句風

雨臥龍坪

孤客南遊鵝雁北大江東去夕陽西世間我輩萍

踪遠亂後人家草屋低昂首伯牙臺已近移情海上未

應迷

舟中見歸雁

江流日夜客愁生又聽當頭雁有聲
關塞吾將隨北嚮稻粱汝亦悔南征
一繩遠曳開雲路雙槳輕搖度水程
都被春風催正急不知誰早到瑤京

過半壁山爲近年剿賊血戰處

壓江疊嶂勢高遠賊衆蜂屯阻戰艦
鐵鎖遮攔下承舟舟沈以石那可轉
豺虎狂嗥氣自雄蛟龍欲過心嫌褊
當年拙算笑東吳一炬燒殘盡柔輦
中興諸將不甘心陸路舟師工調遣
振臂奮呼火礮飛大椎利刃同時斬

殺賊一萬六千餘賊尸墮水水爲淺想見指揮酣戰時
率然首尾齊舒捲直擣金陵次第收笑說南人不復反
祇今孤客片帆來俯仰春江自遊行回念從戎羈漢陽
轅駒局促籌難展戰場一樣有孫山把酒問天殘照晚

望廬山

廿年前覩此嶙峋五老重逢是故人若識書生真面目
青山未必笑紅塵

大風渡鄱陽湖

乘舟易被石尤苦朝朝倚棹泊江浦人說渡湖待好風
我促開頭忘鈴語行至十里帆難迴浪大如山風似虎

風伯江神怒我狂奪舟去作霓裳舞斬蛟投璧彼何人
窮薄命原輕片楮痛飲高眠了不驚頃刻達岸日方午
篙師賀客邀相誠波有白頭水程阻浪頭白則不渡夢
醒亦復悔好奇回看我僮淚如雨

登石鐘山並觀新修旌忠祠

湖口停橈勝蹟新鐘聲鏗鞳似迎賓小舟絕壁驚千尺
大石當流坐百人鄭注闕疑誰考古蘇文行世始傳真
登攀此日傷懷抱多一英雄戰伐塵

捷書馳報十年前樓櫓屯雲染血鮮破陣直將窮左蠡
銘功此亦抵燕然風寒祠宇啼山鬼雨洗乾坤失水仙

史局曾修忠義傳能無哀慕獨臨淵

江行

滄海東遊環島嶼黃河北渡莽風沙春來無過江鄉好
客到如從畫本誇新荻綠藏沽酒市小桃紅點釣魚家
扁舟載我歸何處金碧樓臺綉晚霞

抵南昌寓王鶴樵觀察齋中卽贈

章江春水碧於油乘興飛來訪戴舟懸後榻非容易下
懷中刺亦不輕投故交屈指多零落舊地關心幾釣游
騰有枕戈同伴在一鐙談笑定風流

鶴樵表兄在李廉帥漢陽戎幕與予

得相

繡豸威宣細柳營江淮草木早知名人推壇上無雙士

自具胸中數萬兵

觀察方統
內江水師

著眼塵寰搜俊傑究心吏

治潤昇平劉琨亦有吹笳用其奈先鞭讓祖生

至王文成公祠舊寓有感

少時所居地雖陋不忘情矧爲陽明祠曾薦俎豆馨余
年十七八聞詩憶趨庭距今廿餘載寸心每怍怍吾父
清白吏不驚理學名未秩爭氣節寅僚洽性真同寓延
陵氏感動結婚姻其家本八口逝者今六人悼亡兼慟
舊一一軒與楹宛然當日事何無讀書聲感茲數徙倚
誰能齊殤彭惟有夕陽影依舊階前明

步行自佑清寺繞東湖至百花洲復小憩火神廟
皆昔年熟遊處歸寓有作

廿年不到百花洲指點亭臺說舊遊誰識東湖曾照影
翻疑北客愛乘舟鶯花未改江鄉景仙佛難銷劫火愁
當日僧雛今退院清閒羨爾幾生修

昔寓火神廟見峴
子僧甫出家今已

爲方
丈矣

登滕王閣

南浦西山繞檻低珠簾畫棟與雲齊依然野景飛孤鷺
轉惜天才微同雞三尺命微猶著作一帆風順始留題
扁舟我亦頻來往又向滄桑悟雪泥

閣於賊焚
後重修

卽事

清明時駐異鄉車底事長安不易居猛念先人清苦地
羞從東郭乞墦餘

舟師餞我浪花堆情比潭深酒一杯不是三千水犀手
布帆那得逐潮回

三月朔別王鶴樵還京

烟樹招人返薊門豫章雲物引詩魂來尋圓澤三生石
快借平原十日樽浪捲長江趨碧海春催急雨洗紅暎

昨日獨輪車指潯陽去又向青山認舊痕

德安道中

新晴風色冷斜暉芳草迷離石徑微夾路青松三萬樹
齊含宿雨滴征衣

麥苗結穗水流灣曠野無人境最閒忽聽征輪聲輾轉
驚飛野雉竄前山

先人勳節徧江鄉此地曾開射鴨堂

先君曾署
德安縣尉

昔未趨

庭今過客也隨路曲一迴腸

過九江至孝子坊覓舊館不得感賦

總角居停孝子坊夢中愛戀常不忘三十年前老鄰里
亟思一一訴衷腸那料街衢變瓦礫失去舊棲之草堂
慨歎兵火災至此就吾所歷幻滄桑依稀井闌與坊礎

可惜坊傾井亦荒朝朝起塾徑途熟大石裂紋猶在旁
宅後菜園屢易主病蔬得雨半青黃江城訪舊向誰語
一片平蕪留夕陽人生小別尚如此遑論百年歸故鄉
今日令威卽我是不須化鶴已徬徨

遊能仁寺

孝子坊邊塔猶餘一半存

髮賊毀塔半輒作小池口砲台

兒時曾到寺

久別尚知門亂後風雲莽寰中歲月奔新祠金碧耀聊

可慰忠魂

是日遊塔忠武公祠

火輪船歌

剡木爲舟已精妙誰能更鑿混沌竅船內用火火激輪

此法創成自海徼飛行直覺翼猶遲闊大何虞尾不掉
篙楫帆樯無所施三島十洲皆能到周遭機括佐烟筒
範以精銅光可照洞庭賊猶怕飛來此獨暗輪將板罩
百貨如山積其中千人坐臥未窮奧任重頗愁致遠難
乃於水火收其效晝夜急馳不停機浮毬江面若前導
華人受僱代持籌防賊爲名亦列礮勢真便捷價復廉
爭趨如鶩魏人譟遂致往時黃頭郎十無二三能舉棹
中國用人主養人豈矜奇技恣喧鬧貧民失業何所歸
得不飢寒欲爲盜或云通商利亦多腐儒不悟徒相誚
我登彼舟非好奇彷彿吟詩有別調

兩岸桃花盛開

火催輪舶指京華
水接仙源染絳霞
北地正寒南國煖
一春兩度看桃花

過金陵

千里水程歸一日
渡江何處可停橈
求仙有路凌三島
弔古無心訪六朝
花柳牽情春欲晚
烽烟阻道昨方銷
不因風利舟難泊
悵望秦淮舊板橋

望金焦兩山不得登有作

輪舟能使行程速
誰知亦使游人俗
咫尺名山各一登
將客當作涇薪束
我雖奔走名利場
蠟屐尚思增眼福

嚴程那容片刻停水底輪飛不須督金焦今日滌層巒
笑迎生客詩一幅濟勝有具願難償負卻兩山真面目
轉念不登亦自佳免教山靈以我辱壺嶠果無風引回
長房終覺地堪縮一葉他年襍被來再洗俗腸訪林麓
斯言不踐有如江似聞應聲出空谷

至上海未登岸換輪船卽行

滬瀆繁華日門奇連雲樓閣聚波斯東流此地江朝海
北學何人夏變夷冠蓋多緣饒物產性情冷不合時宜
是鄉縱有鱸魚膾未肯停舟向路歧

過綠水洋

我送江入海水容不沿襲初發浪湧黃深入濤飛黑黃
者近土垠黑者守正色中間綠水洋其理殊難測細思
亦了然黃黑交相迫錯雜成此痕無心爲緣飾藍澱和
藤黃畫家工翠刻天地有至文初不自收拾散之江海
閒眼前便可得試竭目力觀一碧無終極

觀海

回首紅塵境已超蒼茫中覺百靈驕不知地竟歸何處
只有天能共此遙力足掀翻方浴日氣宏吐納尚通潮
狂游萬里生奇想海外還餘路幾條

黑水洋遇風

海神知我膽欲鍊顛簸巨舟似花片狂風拔水上青天
滿船客無人色面或手扶牀口欲暗或頭蒙被體猶顛
各置盆盂代唾壺心肝嘔出不能嚥我輕性命走江湖
至此望洋始目眩亦欲危坐力不能七尺身飄輕於燕
倚枕堅臥先定心輪吼雷聲與心戰飽食輒思出而哇
兩晝夜方進一飯始知生死總鴻毛平日室家空顧戀
偷眼玻璃窗隙窺乾坤昏黑波如澗人生奇險乃有此
無端嘗試命何賤農夫終歲不出門綠笠青蓑真可羨
况從宦海弄風濤比黑水洋更謫變不如決計早收帆
只傍荷池洗小硯

烟台小泊

游踪不定又齊東烟盞之呆落眼中地接南都龍虎氣
人居北海馬牛風遠方服賈程偏速片刻停輪貨半空
東人賈於南者至此卸貨念我行廬歸亦好繫匏畢竟勝飄蓬

入大沽口

萬頃淩茫然海道忽一窄待潮浮巨輪移貨歸蕃舶觸
藩退未能走險急猶擇乃知華夏閒界畫有定格豈惟
見天心實亦覘地脈彼舟雖橫行至此生窘迫倘扼以
偏師舴艤飛絡繹乘彼運掉難展吾跳盪迹頗足懾梯
航何須勞玉帛阻隘本天生與共殊堪惜縱誇腹可容

不敵吮先搯求食客無能慮患陳下策

至天津紫竹林下船

海風吹散暮雲稠直到天津始泊舟七十二沽重過眼
八千餘里一回頭喜從異境添新夢愧少奇情稱壯游
檢點奚囊詩幾首要憑精氣壓蛟虬

買車卽日還都

此處磋商集相誇待客豐世途原嚇鼠天際有冥鴻吾
鼎猶堪愛他山不借攻道旁桃李樹何苦仗春風

楊村河千晚眺

行裝暫宿竹閒扉兩岸人家萬綠圍沙觜斜陽漁曬網

樓頭春冷客添衣
村醪欲醉何曾醉
征騎雖歸不是歸
多少糧艘檣影織
尚愁旅食到京畿

三月望抵京

去衝臘雪梅開驛
到趁春風柳拂隄
一舸江淮河漢海
雙輪趙魏楚吳齊
成行兒女牽歸思
無恙門庭賴小妻
恰似飛來相識燕
巢痕再補落花泥

月下飲酒

百憂揮暫去
那許到樽前
人比春歸早
天教月放圓
但求千日酒
不取一船錢
獨念琴虛設
傷心第二絃